

4. OBJEKTIF / TUJUAN INISIATIF

Terdapat tiga (3) objektif perlaksanaan projek:

i) Membantu pegawai imigresen mengenalpasti ketulenan pasport.

Jika dilihat pada skop tugas pegawai imigresen, seseorang pegawai imigresen perlu mempunyai asas dalam membuat pengecaman dan pemeriksaan terhadap sesebuah pasport. Selain daripada pengalaman kerja dan kepakaran yang ada pada diri pegawai imigresen, bantuan alat amatlah diperlukan memandangkan sindiket pemalsuan pasport dan dokumen perjalanan semakin bijak dalam menggunakan teknologi yang canggih dalam menghasilkan pasport dan dokumen perjalanan yang menyerupai pasport yang tulen.

Sebagai contohnya, kes terbaru pada 20 Februari 2018 yang lalu, kita digempakkan dengan kes sindiket pemalsuan dokumen di ibu kota kita Kuala Lumpur yang berjaya dihidu oleh Unit penguatkuasa Imigresen Putrajaya. Saspek seorang lelaki warganegara Pakistan telah ditahan kerana terbabit dalam sindiket ini dan dipercayai terbabit dengan rangkaian aktiviti pemalsuan Pas Kerja yang dikeluarkan Imigresen selain rangkaian pelanggan dari Pakistan, India, Filipina, Nigeria berdasarkan beberapa pasport ditemui di bilik utama. Serta penemuan mesin dan alat yang digunakan untuk menghasilkan Pas Kerja tersebut dan boleh dikatakan lokasi tersebut telah menjadi "kilang" proses secara haram. Perkembangan teknologi masa kini semakin canggih, ada sahaja helah dan penipuan yang cuba dilakukan oleh sesetengah pihak bagi mengaut keuntungan.

Sebagai pegawai imigresen yang bertugas Pintu Masuk Negara, pegawai perlu memastikan pasport dan dokumen perjalanan yang dibawa oleh pelawat adalah tulen. Penggunaan Alat Pemeriksaan Ketulenan yang mempunyai 5 fungsi utama sudah terbukti di mana ia sememangnya membantu pegawai imigresen dalam melakukan pemeriksaan terhadap pasport. Dengan bantuan alat, pemeriksaan mampu dilakukan dengan lebih teliti dan terperinci.

ii) Menjimatkan masa pelawat semasa mendapatkan perkhidmatan di kaunter imigresen

Mengikut norma kerja Pintu Masuk Imigresen, masa yang ditetapkan bagi pemeriksaan terhadap sesebuah pasport adalah dalam 45 saat. Tempoh masa ini terpaksa dipanjangkan apabila pegawai imigresen perlu melakukan rujukan kes di bilik penyelia yang terletak pada jarak lebih kurang xx meter dan masa yang diperlukan adalah xx saat menjumlahkan masa yang digunakan adalah lebih kurang xx saat. Pasport dan dokumen perjalanan yang memerlukan pemeriksaan terperinci hanya dapat dilakukan di Bilik Penyelia. Contohnya, Mesin Pengimbas Wang Jenis xxx yang

sedia digunakan, malah alat ini hanya mempunyai 3 fungsi utama sahaja iaitu Kanta Pembesar, lampu ultraviolet dan lampu LED.

Keadaan ini telah merugikan masa pelawat itu sendiri dan juga merugikan masa pelawat lain yang sedang menunggu giliran untuk mendapatkan pemeriksaan. Hal ini telah menyebabkan norma kerja gagal dilaksanakan.

Berbeza dengan penggunaan Alat Pemeriksaan Ketulenan hasil ciptaan kumpulan KIKERS, alat ini mempunyai 5 fungsi utama yang akan ditempatkan di setiap kaunter pemeriksaan imigresen bagi kegunaan pegawai imigresen yang bertugas di dalam kaunter seterusnya memudahkan urusan pemeriksaan dijalankan. Dengan wujudnya Alat Pemeriksaan Ketulenan, pemeriksaan di kaunter imigresen dapat dilakukan mengikut masa yang ditetapkan

iii) Memastikan tahap keselamatan negara berada di peringkat tertinggi lalu menjamin keamanan negara yang stabil

Sebagai barisan hadapan yang bertugas menjaga pintu masuk negara, adalah menjadi tanggungjawab imigresen bagi memastikan setiap pelawat yang memasuki negara kita adalah "*genuine*". Jabatan Imigresen Malaysia sedar bahawa menjaga keselamatan negara adalah usaha berterusan dan kita tidak boleh leka walaupun sesaat. Keselamatan negara pada asasnya merujuk kepada suatu situasi bebas daripada ancaman terhadap nilai teras negara, sama ada ia berbentuk ancaman dari dalam mahupun luar. Ini termasuk melindungi rakyat Malaysia daripada ancaman warga asing yang semakin membanjiri di negara kita. Isu pendatang asing mungkin nampak remeh, tapi sebenarnya ia membawa ancaman keselamatan yang besar seperti mana kita dapat lihat lambakan pendatang asing yang begitu ketara di sekitar bandaraya. Kebanjiran pendatang asing ke Malaysia, terutama dari Indonesia, Bangladesh, Myanmar, Afrika dan Filipina kini adalah isu panas dalam kalangan rakyat kita. Rata-ratanya membangkitkan perasaan tidak selesa dengan kedatangan mereka ini dan antara kebimbangan utama yang disuarakan ialah isu keselamatan. Peningkatan kadar jenayah, perampasan peluang perniagaan dan dominasi sesuatu kaum pendatang itu di satu-satu kawasan sering dijadikan tajuk berita utama.

Usaha dan inisiatif telah diambil oleh kumpulan KIKERS dengan merekabentuk Alat Pemeriksaan Ketulenan yang mengandungi 5 fungsi utama yang sudah pasti mampu mengesan ciri-ciri keselamatan pada sesebuah pasport dan dokumen perjalanan. Dengan adanya Alat Pemeriksaan Ketulenan, cubaan memasukkan dokumen palsu atau pasport dapat ditumpaskan sekaligus. Seperti mana yang sering

ditekankan oleh Ketua Pengarah Jabatan Imigresen Malaysia, Dato' Sri Haji Mustafar bin Haji Ali, kedaulatan negara tiada kompromi.